

KIKAO CHA 5 CHA ZÚME MWANDIKO WA VIDEO

Mtu wa Amani

Karibuni tena kwa mafundisho ya Zúme.

Katika kikao cha awali tulijulishwa kwa wazo la mtu wa Amani. Katika kikao hiki tutaingia kwa undani zaidi kuona huyu mtu anawezakuwa nani na jinsi ya kufahamu ikiwa umepata mmoja. Mtu wa amani kwa haraka anaweza kusaidia kuzalisha wanafunzi – hata mahali ambapo wanafunzi wa Yesu ni wachache na wako mbali mbali.

Wakati Yesu alipotuma wafuasi wake katika maeneo mapya ili kuwafanya wanafunzi, aliwapa amri rahisi lakini yenye maarifa.

Yesu alisema - - Wasichukue pesa za bindoni, wala mkoba, wala viatu; wasisalamie mtu njiani. Nyumba yoyote waingiapo, kwanza semeni, 'Amani na iwe ndani ya nyumba hii.' Kukiwemo na mtu wa amani mle ndani, amani yenu itakaa juu yake; kama sivyo, itawarudieni. Kaeni humo, mkila na kunywa watachowapa; kwa kuwa mfanyakazi anastahili ujira wake. Msiende nyumba hadi nyumba.

Lakini hiyo yote inamaanisha nini?

Wakati tunapofikiria kuwafanya wanafunzi, mawazo yetu kwanza yatakuwa – tuwe na pesa za kutosha, tuchague lengo dhahiri, na tuwe na mpango dhahiri wa utekelezaji. Ikiwa Yesu alisema - “NENDA,” sharti “tuende” na tuzidi kuenda! Ambia kila mtu! Kila mahali! Kila wakati!!!

Lakini Yesu, katika amri yake, hakuonekana kuwa na wasiwasi juu ya fedha na juhudi, na kujihusisha sana na alilolenga.

Yesu alitaka wafuasi wake kuangalia – na kuwekeza – kwa mtu wa amani.

Ikiwa unataka kufanya wanafunzi mahali ambao sio wengi – au pengine hata – wapo, hapo kumpata mtu wa Amani ni kitu cha maana unaweza kufanya.

Mtu wa Amani ni:

Mtu ambaye yuko WAZI kusikia Hadithi yako,

Hadithi ya Mungu na Habari Njema ya Yesu.

Mtu ambaye ni MKARIMU na ANAKUKARIBISHA nyumbani kwake au mahali pa kazi au kujiunga na jamaa na marafiki katika jambo.

Mtu ambaye ANAJUA WENGINE (au ANAJULIKANA NA WENGI) na mwenye furaha kuunganisha kundi ndogo au umati.

Mtu ambaye ni MWAMINIFU na HUSHIKIRIKIANA yale aliyojifunza na wengine – hata baada ya wewe kuwaacha.

Katika Biblia, tunajifunza kwamba Yesu na wafuasi wake walikutana na Watu wa Amani – ki ghafula.

Katika nchi ya Wagerasi, Yesu alikutana na mtu mwenye pepo na aliishi peke yake akiwa amefungwa minyororo. Hatuwezi kumdhania kuwa Mtu wa Amani, lakini alikubali kumsikiza Yesu. Alikuwa MKARIMU na hata KUMKARIBISHA Yesu kule alikuwa anaishi. Alikuwa anajulikana vizuri na angeweza kuvutia umati kwa urahisi – hata kama tabia yake ni mbaya.

Na Yesu aliona kwamba yeye ni MWAMINIFU na hapo AKASHIRIKI naye pamoja na jamaa yake jamii yake na nchi yake yote kile Yesu anamaanisha kwake. Kwa kweli, wakati Yesu aliporudi pale katika eneo lile, umati mkubwa ulijikusanya, wakiwa na furaha ya kuona Mtu ambaye wamesikia mambo mengi kumhusu.

Kule Samaria, Yesu alikutana na mwanamke kisimani. Akawa wazi kwa Yesu, kwa nia ya kuwa MKARIMU na kujibu ombi lake la kunywa maji. Tunajifunza kwamba alikuwa na waume watano na bado alikuwa anaishi na mume mwingine, na kwa hivyo katika mji huu mdogo, alikuwa na hakika kwamba ANAJULIKANA KWA WATU WENGINE. Na Yesu akaongea naye, alikuwa MWAMINIFU na AKASHIRIKIANA – kwa haraka ambapo hata mji mzima ukamuomba Yesu abaki pale akashiriki nao, pia. Alikubali.

Kwa hivyo, ikiwa Mtu wa Amani anaweza kuishi mahali popote, na kufanya chochote, na kuwa mtu ambaye tunamjua au tunakutana naye – tunawezaje kupata mmoja?

Hapa kuna njia tatu rahisi - -

Tunaomba mapendekezo kutoka kwa watu katika jamii – Ni nani anayeaminika hapa? Je, kuna mtu hapa ambaye anafikiria watu wengine kwanza kabla ya kujifikiria? Ikiwa tutasikia jina hilo tena na tena – tutajaribu kukutana naye, kushirikiana wazo la kiroho, na kuona ikiwa wako tayari kusikia na kushiriki.

TUNAJITOA kuomba mtu wakati tunafanya Maombi ya Kutembea, au kazini, au michezoni – wakati wowote panapo fursa – na kisha kubadilisha maombi hayo kuwa mazungumzo ya kiroho.

TUNAINGIZA mawazo ya kiroho katika mazungumzo ili kuona ikiwa Mungu anateda katika maisha ya mtu. Ikiwa wako tayari na wenye nia, basi tunauliza ikiwa wanaweza kukusanya kikundi kujadiliana hata mengi.

Uliza mapendekezo, KUJITOLEA kuomba, INGIZA mawazo ya kiroho. Hizi zote ni njia ambapo tunaweza kuanzisha mchakato wa kupata Mtu wa Amani. Na haijalishi tunawapataje, kumbuka Yesu alisema tunastahili kutumia wakati mwingi wa kufanya wanafunzi na Mtu wa Amani.

Ni rahisi kufikiria kwamba ni “haki” kutumia wakati mchache kwa kila mtu, kwa usawa. Lakini Yesu alisema – na kuonyesha – hataki tuwe watu wa ki juu kwa kila mtu bali kupeana kwa undani kwa wachache.

Yesu mara nyingi alivutia umati, lakini Biblia inatuambia tena na tena kwamba Yesu angelijitenga kutoka kwa umati na kutumia wakati wake na wafuasi wake wa karibu kumi na wawili.

Mara kadhaa, Yesu angetumia wakati mwingi na kundi dogo la watu watatu peke.

Ikiwa Yesu, ambaye alikuwa na uwezo zaidi, nguvu nyingi, mamlaka zaidi, nidhamu, hekima, maarifa, kuelewa na huruma alichagua kutumia wakati akiwekeza kwa wachache na kuambia wafuasi wake nao wafanye vivyo hivyo, je, si ni ya muhimu tunapaswa kufuata na kushirikiana kwa mfano wake mkamilifu?

Mtu wa Amani

Sio rahisi kuzipata – huenda ni moja kwa elefu. Lakini kama hazina iliyofichwa inayostahili kutafutwa, thamani yao ya kukuza jamaa ya Mungu haipimiki.